

金

史

七



志第四

金史二十三

開禧書司程國經國事書若諸事修國之領經聖事都總整脫脫奉  
勅修

五行

五行之精氣在天爲五緯在地爲五材在人爲五常及五  
事五緯志諸天文歷代皆然其形質在地性情在人休咎  
各以其類爲感應於兩間者歷代又有五行志焉兩漢以  
來儒者若夏侯勝之徒專以洪範五行爲學作史者多采  
其說凡言某徵之休咎則以某事之得失繫之而配之以  
五行謂其盡然其敝不免於傳會謂其不然肅時雨若蒙

恒風若之類箕子蓋嘗言之金世未能一天下天文灾祥  
猶有星孛之說五行休咎見於國內者不得他諉乃彙其  
史氏所書仍前史法作五行志至於五常五事之感應則  
不必泥漢儒爲例云

初金之興平定諸部屢有禎異故世祖每與敵戰嘗以夢  
寐卜其勝負烏春兵至蘇速海甸世祖曰予夙昔有異夢  
不可親戰若左軍有力戰者當克既而與肅宗等擊之敵  
大敗太祖之生也常有五色雲氣若二千斛困廩之狀屢  
見東方遼司天孔致和曰其下當生異人建非常之事天  
以象告非人力所能爲也溫都部跋忒畔穆宗遣太祖討

之入辭奏曰昨夕見赤祥往必克遂與跋忒戰殺之穆宗  
攻阿疎日辰巳間忽暴雨昏曠雷電環阿疎所居是夕有  
巨火聲如雷墜阿疎城中遂攻下之太祖嘗往寧江夢幹  
帶之禾場焚頃刻而盡覺而大戚即馳還幹帶已寢疾翌  
日不起幹塞伐高麗太祖卧而得夢亟起曰今日捷音必  
至乃爲具於毬場以待有二虜渡水而至獲之太祖曰此  
休徵也言未既捷書至衆大異之他日軍寧江駐高阜撒  
改仰見太祖體如喬松所乘馬如岡阜之大太祖亦視撒  
改人馬異常撒改因白所見太祖喜曰此吉兆也即舉酒  
酌之曰異日成功當識此地師次唐括帶幹甲之地諸軍

介而立有光起於人足及戈矛上明日至札只水光復如  
初

收國元年上在寧江州有光正圓自空而墜八月己卯黃  
龍見空中丁未上候遼軍還至孰結灤有光復見於矛端  
天輔六年三月師攻西京有火如斗墜其城中是月城降  
而復叛四月辛卯取之

太宗天會二年曷懶移鹿古水霖雨害稼且爲蝗所食秋  
泰州潦害稼 三年七月錦州野蠶成蠶九月廣寧府進  
嘉禾 四年十月中京進嘉禾 六年冬移懶路飢 九  
年七月丙申上御西樓聽政聞咸州所貢白鵲音忽異常

上起視之見東樓外光明中有像巍然高五丈許下有紅雲承之若世所謂佛者乃擊毘修虔久之而沒 十年冬移懶曷懶等路飢

熙宗天會十三年五月甘露降於盧州熊岳縣十五年七月辛巳有司進四足雀丙戌夜京師地震

天眷元年夏有龍見於熙州野水凡三日初於水面見一蒼龍良久而沒次日見金龍一爪承一嬰兒兒爲龍所戲略無懼色三日如故又見一人乘白馬紅袍玉帶如少年官狀馬前有六蟾蜍凡三時乃沒郡人競往觀之七月丁酉按出許河溢壞民廬舍 三年十二月丁丑地震皇統

元年秋蝗十一月己酉稽古殿火 二年二月熙河路飢  
三月辛丑大雪秋燕西東二京河東河北山東汴平州大  
熱 三年陝西旱五月丁巳京兆府貢瑞麥七月丙寅太  
原進獬豸及瑞麥 四年正月乙丑陝西進嘉禾十有二  
莖一本七穎十月甲辰地震 五年閏月戊寅大名府進  
牛生麟壬辰懷州進嘉禾 七年十一月完顏秉德進三  
角牛 九年四月壬申夜大風兩雷電震寢殿鴟尾壞有  
火入帝寢燒帷幔上懼徙別殿丁丑有龍闕于利州榆林  
河上大風壞民居官舍十六七木瓦人畜皆飄揚十餘里  
死傷者數百同知州事石抹里壓死

海陵天德二年十二月野人採石炭獲異香 貞元二年

五月癸丑南京大內灾 三年十二月己丑兩木冰

正隆二年六月壬辰蝗飛入京師秋中都山東河東蝗

四年十一月庚寅霜附木 五年二月辛未河東陝西地

震鎮戎德順等軍大風壞廬舍民多壓死海陵問司天馬

貴中等曰何爲地震貴中等曰伏陽逼陰所致又問震而

大風何也對曰土失其性則地以震風爲號令人君嚴急

則有烈風及物之災 六年六月壬戌大風壞承天門鵠

尾是歲世宗居貞懿皇后憂在遼陽一日方寢有紅光照

其室及黃龍見於室上又夜有大星流入其郛八月復有



雲氣自西來黃龍見其中人皆見之是時臨潢府聞警  
有車馬聲仰視見風雲杳靄神鬼兵甲蔽天自北而南仍  
有語促行者未幾海陵下詔南征

世宗大定二年閏二月辛卯神龍殿十六位焚延及太和  
厚德殿 三年二月丙申中都以南八路蝗 四年三月  
庚子夜京師地震七月辛丑大風雷雨拔木臨潢府境禾  
黍穧生嵐州進白兔二八月永興進嘉禾異畝同穎中都  
南八路蝗飛入京畿十一月辛丑尚書省火是歲有年

五年六月戊子河南府進芝草十三本得於芝田石上薦  
之太廟六月甲辰大安殿楹產芝其色如玉丙午京師地

震有聲自西北來殷殷如雷地生白毛七月戊申又震十一月癸酉大霧晝晦 七年九月庚辰地震 八年五月甲子北望淀大風雨雹廣十里長六十里六月河決李固渡水入曹州 十年正月鄧州進芝草 十一年六月戊申西南路招討司苾里海水之地雨雹三十餘里小者如鷄卵其一最大廣三尺長丈餘四五日始消 十二年三月庚寅雨土四月旱 十三年正月尚書省奏宛平張孝善有子曰合得大定十二年三月旦以疾死至暮復活云是本良鄉人王建子喜兒而喜兒前三年已死建驗以家事能具道之此蓋假屍還魂擬付王建爲子上曰若是則

姦倖小人競生詎僞瀆亂人倫止付孝善八月丁丑策試  
進士於闕忠寺夜半忽聞音樂聲起東塔上西達於宮考  
官完顏蒲捏李宴等以爲文運始開得賢之兆十四年  
八月丁巳朔次乩里舌日午白龍見於御帳之東小巷中  
旣而乘雷雲而上尾猶曳地良久止去十六年三月戊  
申雨豆於臨潢之境其形上銳而赤食之味頗苦五月戊  
申南京宮殿火是歲中都河址山東陝西河東遼東等十  
路旱蝗十七年七月大雨澤沱盧溝水溢河決白溝  
二十年四月己亥大寧宮門火五月丙寅京師地震生黑  
白毛七月旱秋河決衛州二十二年五月慶都蝗蝻生

散漫十餘里一夕大風蝗皆不見 二十三年正月辛巳  
廣樂園燈山焚延及熙春殿三月乙酉氛埃雨土四月庚  
子亦如之五月丁亥雨雹地生白毛 二十四年正月辛  
卯朔徐州進芝十有八莖真定進嘉禾二本異畝同穎  
二十六年正月庚辰河南府進芝三本秋河決壞衛州城  
二十七年四月辛丑京師地震

章宗大定二十九年五月丁未地生白毛六月曹州河溢  
十二月密州進白鶉白雉各一河間府進嘉禾是冬無雪  
明昌元年正月懷州河間等處進芝草嘉禾二月地生白  
毛六月庚子都水進異卵夏旱七月淫雨傷稼 二年五

月桓撫等州旱秋山東河北旱飢 三年秋綏德好妨蟲  
生旱 四年三月御史中丞董師中奏廼者太白晝見京  
師地震北方有赤氣遲明始散天之示象冀有以警悟聖  
主也上問所言天象何從得之師中曰前監察御史陳元  
升得之於一司天長行上曰司天臺官不奏固有罪其以  
語人尤非朕欲令自今司天有事而不奏者長行得言之  
何如師中曰善五月霖雨命有司祈晴六月河決衛州魏  
清滄皆被害是歲河址山東南京陝西諸路大稔邢洛深  
冀及河北西路十六謀克之地野蠶成蠶十一月壬午木  
冰 五年七月丙戌天壽節先陰雨連日至是開霽有龍

曳尾於殿前雲間是月河決陽武故堤灌封丘而東六年二月丁丑京師地震大雨雹晝晦大風震應天門右鵠尾壞六年八月大雨震電有龍起於渾儀鰲趺臺忽中裂而摧儀什於臺下

承安元年五月自正月不雨至是月雨六月平晉縣民利通家蠶自成綿段長七尺一寸五分闊四尺九寸二年

自正月至四月不雨六月丙午雨雹四年三月戊午雨

雹五月旱五年五月庚辰地震十月庚子天久陰是日

雲色黃而風霾癸卯展陰霜附木至日入亦如之泰和

二年八月丙申磁州武安縣鼓山石聖臺有大鳥十集於

臺上其羽五色爛然丈多赤黃赭冠雞項尾闊而修狀若  
鯉魚尾而長高可逾人九子差小侍傍亦高四五尺禽鳥  
萬數形色各異或飛或躡或步或立皆成行列首皆正向  
如朝拱然初自東南來勢如連雲聲如殷雷林木震動牧  
者驚惶即驅牛擊物以驚之殊不爲動俄有大鳥如鵬鷃  
者怒來搏擊之民益恐奔告縣官皆以爲鳳凰也命工圖  
上之留二日西北去按視其處糞迹數頃其色各異遺禽  
數千累日不能去所食皆巨鯉大者丈餘魚骨蔽地章宗  
以其事告宗廟詔中外 三年四月旱十月己亥大風  
四年正月壬申陰霧水冰三月丁卯大風毀宣陽門鵠尾

四月旱壬戌萬寧宮端門災十一月丁卯陰木冰凡三日  
五年夏旱 八年四月甲午雨雹河南路蝗六月戊子  
飛蝗入京畿八月乙酉有虎至陽春門外駕出射獲之時  
又有童謠云易水流汴水流百年易過又休休兩家都好  
住前後總成留至貞祐中舉國遷汴

衛紹王大安元年徐沛界黃河清五百餘里幾二年以其  
事詔中外臨洮人楊珪上書曰河性本濁而今反清是水  
失其性也正猶天動地靜使當動者靜當靜者動則如之  
何其爲災異明矣且傳曰黃河清聖人生假使聖人生恐  
不在今日又曰黃河清諸侯爲天子正當戒懼以銷災變



而復誇示四方臣所未喻宰相以爲妖言議誅之慮絕言  
路即詔大興府鎖還本管十一月丙申平陽地震有聲自  
西北來戊戌夜又震自此時復震動浮山縣尤劇城解民  
居圯者十七八死者凡二三千人 二年二月乙酉地大  
震有聲殷殷然六月七月至九月晦其震不一十一月京  
師民周修武宅前渠內火出高二尺焚其板橋又旬日大  
悲閣幡竿下石隙中火出高三三尺人近之即滅凡十餘  
日自是都城連夜燔爇二三十處是歲四月山東河北大  
旱至六月雨復不止民間斗米至千餘錢 三年二月乙  
亥夜大風從西北來發屋折木吹清夷門關折三月戊午

大悲閣災延燒萬餘家火五日不絕山東河北河東諸路  
大旱是歲有男子郝贊詣省言上即位之後天變屢見火  
焚萬家風折門闌非小異也宜退位讓有德有司問爾狂  
疾乎贊大言曰我不狂疾但爲社稷計宰相皆非其才每  
日省前大呼凡半月上怒誅之隱處崇慶元年七月辛未  
未時有風從東來吹帛一段高數十丈宛轉如龍墜於拱  
辰門內是歲河東陝西山東南京諸路旱 二年二月放  
進士榜有狂僧公言殺天子求之不知所在是歲河東陝  
西大旱京兆斗米至八千錢

至寧元年宣宗彰德故園竹開白花如鷺鷥藤紫雲覆城

上數日俄而入繼大統七月以河東陝西諸處旱遣工部尚書高朶刺祈雨于嶽瀆至是雨足時斗米有至萬二千者八月癸巳衛紹王遇弒是日海水不潮寶坻鹽司懼其虧課致禱無應九月丙午宣宗即位乃潮初衛王即位改元大安四年改曰崇慶既而又改曰至寧有人謂曰三元大崇重矣俄而有胡沙虎之變宣宗貞祐元年八月戊子夜將曙大霧蒼黑跂步無所見至辰巳間始散十二月乙卯雨水冰時衛州有童謡曰團團冬劈半年寒食節没人煙明年正月

元兵破衛遂立墟矣二年六月潮白河溢漂古北口鐵裹

關門至老王谷庚申南京寶鎮閼災壬戌上次宜村有黃  
龍見於西北冬黃河自陝州界至衛州八柳樹清十餘日  
纖鱗皆見十二月己酉雨水冰 三年二月戊午大風隆  
德殿鴟尾壞三月戊辰大風霾四月自去冬不雨至于是  
月五月河南大蝗六月京城中夜妄相驚逐狼月餘方息  
十月丙申昏西北有霧氣如積土至二更乃散 四年正  
月己未旦黑霧四塞已時乃散是春河朔人相食五月河  
南陝西大蝗鳳翔扶風岐山郿縣蝻蟲傷麥七月旱癸丑  
飛蝗過京師

興定元年三月宮中有蝗四月單州雹傷稼陳州商水縣

進瑞麥一莖四穗開封府進瑞麥一莖三穗二莖四穗五  
月乙丑河南大風吹府門署以去延州原武縣雹傷稼七  
月癸卯大社壇產嘉禾一莖十五穗秋霖雨十月邠州進  
白兔丹州進嘉禾異畝同穎二年四月河南諸郡蝗五  
月秦陝狼害人六月旱是歲京師屢火遣禮部尚書楊雲  
翼祭之三年春吏部火四月癸未陝右黑風晝起有聲  
如雷頃之地大震平涼鎮戎德順尤甚廬舍傾壓死者以  
萬計雜畜倍之夏旱十二月壬申雨水冰四年正月戊  
辰二更天鳴有聲士子晝晦有頃大雷風雨四月丁丑大  
風吹河南府署飛百餘步戶案門鑰開文牘飄散不知所

在六月旱七月河南大水唐鄧尤甚十二月癸酉火是歲  
華州渭南縣民裴德寧家伐樹破其中有赤色太字表裏  
昭合有司言與唐大曆中成都瑞木有文天下太平者其  
事頗同蓋太平之兆也乞付史館 五年三月以久旱詔  
中外仍命有司祈禱十一月壬寅京師相國寺火十二月  
丁丑霜附木先是有童謡云青山轉轉山青耽誤盡少年  
人蓋言是時人皆爲兵轉聞山谷戰伐不休當至老也

元光元年四月京畿旱十月上獵近郊獲白兔群臣以爲  
瑞明日御便殿置鈴於項將縱之兔驚躍不已忽斃几上  
二年正月辛酉日午有鶴千餘翔于殿庭移刻乃去七

月乙卯丹鳳門壞壓死者數人十一月開封有虎害人是時屢有妖怪二年之中白日虎入鄭門吏部及宮中有狐狼鬼夜哭于輦路烏鵲夜驚飛鳴蔽天十二月宣宗崩哀宗正大元年正月戊午上初視朝尊太后爲仁聖宮皇太后太元妃爲慈聖宮皇太后是日大風飄端門瓦簷墜不見日黃氣塞天仁聖又夢乞丐萬數踵其後心惡之占者曰后爲天下母百姓貧窶將誰訴焉遂勅京城設粥與冰藥以應之人以爲壬辰癸巳之兆又有人衣麻衣望承天門大笑者三大哭者三有司拘而問之其人曰我先笑者笑許大天下將相無人後哭者哀祖宗家國破蕩至此

也有司以爲妖言處之重典上曰近詔革澤之士並許直言雖涉譏訕亦不治罪況此人言亦有理止不應哭笑闕下耳乃杖之 二年正月甲申有黃黑之祲四月旱京畿大雨雹 三年春大寒三月乙丑有火自吏部中出大如斛流行展轉人皆驚避踰時而滅四月旱蝗六月京東南雹蝗死 四年六月丙辰地震八月癸亥大風吹左掖門鴟尾墜丹鳳門扉壞是日風霜損禾皆盡 五年春大寒二月雷而雪木之華者皆敗四月鄭州大雨雹桑柘皆枯京畿旱八月御座上聞若有言者曰不放捨則何索之不見 七年十二月新衛州北三里許有影在沙上如舊衛



州城狀寺塔宛然數日乃滅

天興元年正月丁酉大雪三月癸丑又雪戊午又雪是時  
釣州陽邑盧氏兵皆大敗五月大寒如冬七月庚辰兵刃  
有火閏八月己未有箭射入宮中九月辛丑夜大雷工部  
尚書蒲乃速震死二年六月上遷蔡自發歸德連日暴  
雨平地水數尺軍士漂沒及蔡始晴後大旱數月識者以  
爲不祥初南京未破一二年間市中有一僧不知所從來  
持一布囊貯棗自散與市人無窮所在兒童百十從之又  
有一人拾街中破瓦復以石擊碎之人皆以爲狂不曉其  
理後乃知之其意蓋欲使人早散國家將瓦解矣

志第四

[illegible]

金史二十四

儀同司在國錄軍國事留書丞相兼修國史領經筵事都察院

修

地理上

上京路  
北京路

咸平路  
西京路

東京路  
中都路

金之壤地封疆東極吉里迷兀的改諸野人之境北自蒲  
與路之北三千餘里火魯火曠謀克地爲邊右旋入泰州  
婆盧火所浚界壕而西經臨潢金山跨慶桓撫昌淨州之  
北出天山外包東勝接西夏逾黃河復西歷葭州及米脂  
寨出臨洮府會州積石之外與生羌地相錯復自積石諸  
山之南左折而東逾洮州越鹽川堡循渭至大散關北並

山入京兆絡商州南以唐鄧西南皆四十里取淮之中流  
爲界而與宋爲表裏襲遼制建五京置十四總管府是爲  
十九路其間散府九節鎮三十六防禦郡二十二刺史郡  
七十三軍十有六縣六百三十二後復盡升軍爲州或升  
城堡寨鎮爲縣是以金之京府州凡百七十九縣加於舊  
五十一城寨堡關百二十二鎮四百八十八雖貞祐興定  
危亡之所廢置旣歸

大元或有因之者故凡可考必盡著之其所不載則闕之  
上京路即海古之地金之舊土也國言金曰按出虎以按  
出虎水源於此故名金源建國之號蓋取諸此國初稱爲

內地天眷元年號上京海陵貞祐二年遷都于燕削上京之號止稱會寧府稱為國中者以違制論大定十三年七月復為上京其山有長白青嶺馬紀嶺完都魯水有按出虎水混同江來流河宋瓦江鴨子河府一領節鎮四防禦一縣六鎮一舊有會平州天會二年築契丹之周特成也

後廢

其宮室有乾元殿天會三年建天眷元年更名皇極殿慶元宮天會十三年建殿曰辰居門曰景暉天

眷元年安太祖以下御容為原廟朝殿天眷元年建殿曰敷德門曰延光寢殿曰宵衣書殿曰稽古又有明德宮

明德殿熙宗嘗享太宗御容於此太后所居也涼殿皇統二年構門曰延福樓曰五雲殿曰重明東廡南殿曰東

華次曰廣仁西廡南殿曰西清次曰明義重明後東殿曰龍壽西殿曰奎文時令殿及其門曰奉元有泰和殿有武

德殿有薰風殿其行宮有天開殿爰刺春水之地也有混同江行宮太廟社稷皇統三年建正隆二年毀原

志

廟天眷元年以春亭名天元殿安太祖太宗徽宗及諸后  
御容春亭者太祖所嘗御之所也天眷二年作原廟皇統  
七年改原廟乾文殿曰世德正隆二年毀大定五年復建  
太祖廟興聖宮德宗所居也天德元年名之興德宮後  
更名永祚宮睿宗所居也光興宮世宗所居也正隆二年  
命吏部郎中蕭彥良盡毀宮殿宗廟諸大族邸第及儲慶  
寺夷其趾耕墾之大定二十一年復修宮殿建城隍廟二  
十三年以甃束其城有皇武殿擊毬校射之所也有雲錦  
亭有臨漪亭爲龍鷹  
之所在按出虎水側

會寧府下初爲會寧州太宗以建都升爲府天眷元年

置上京留守司以留守帶本府尹兼本路兵馬都總管

後置上京曷懶等路提刑司戶三萬一千二百七十歲

貢秦王魚大定十二年罷之又貢猪二萬二十五年罷  
之東至胡里改六百三十里西至肇州五百五十里北  
至蒲與路七百里東南至恤品路一縣三會寧倚與府  
千六百里至曷懶路一千八百里同時置

有長白山青嶺馬紀嶺勃野淀綠野淀有按出虎河又  
書作阿术游有混同江淶流河有得勝陀國言忽土維  
萬蠻太祖誓曲江置初名鎮東大定七年宜春置有大定七年  
師之地也置有鴨子

肇州下防禦使舊出河店也天會八年以太祖兵勝遼  
肇基王續於此遂建爲州天眷元年十月置防禦使隸  
會寧府海陵時嘗爲濟州支郡承安三年復以爲太祖  
神武隆興之地陞爲節鎮軍名武興五年置漕運司以  
提舉兼州事後廢軍貞祐二年復陞爲武興軍節鎮置  
招討司以使兼州事戶五千三百七十五 縣一 始

興倚與州同時置有鴨子河黑龍江



隆州下利涉軍節度使古扶餘之地遼太祖時有黃龍  
見遂名黃龍府天眷三年改爲濟州以太祖來攻城時  
大軍徑涉不假舟楫之样也置利涉軍天德三年置上  
京路都轉運司四年改爲濟州路轉運司大定二十九  
年嫌與山東路濟州同更今名貞祐初陞爲隆安府戶  
一萬一百八十 縣一 利涉倚與州同時置有混同江洑流河 鎮一  
與縣同時置有混同館

信州下彰信軍刺史本渤海懷遠軍遼開泰七年建取  
諸路漢民置戶七千三百五十九 縣一 武昌本渤海鎮

福縣 鎮一 戶八十

蒲與路國初置萬戶海陵例罷萬戶乃改置節度使承

安三年設節度副使

南至上京六百七十里東南至胡里改一千四百里北至北邊界火

魯火曠謀克三千

合懶路置總管府貞元元年改總管爲尹仍兼本路兵

馬都總管承安三年設兵馬副總管

舊有海蔥大定二十七年罷之有移

鹿古水西北至上京一千八  
百里東南至高麗界五百里

恤品路節度使遼時爲率賓府置刺史本率賓故地太

宗天會二年以耶懶路都孛董所居地瘠遂遷于此以

海陵例罷萬戶置節度使因名速頻路節度使世宗大

定十一年以耶懶速頻相去千里旣居速頻然不可忘

本遂命名親管猛安曰押懶猛安承安三年設節度副

使

西北至上京一千五百七十里東北至胡里改一千一百西南至合懶一千二百北至邊界幹可阿憐千

戶二

○耶懶又書作押懶

曷蘇館路置節度使天會七年徙治寧州嘗置都統司

明昌四年廢

有化成關國言曰曷撒罕西

胡里改路國初置萬戶海陵例罷萬戶乃改置節度使

承安三年置節度副使

西至上京六百三十里北至邊界合里賓忒千戶一千五百里

烏古迪烈統軍司後升爲招討司與蒲與路近

咸平路府一領刺郡一縣十

咸平府下總管府安東軍節度使本高麗銅山縣地遼

為咸州國初為咸州路置都統司天德二年八月陞為

咸平府後為總管府置遼東路轉運司東京咸平路提

刑司戶五萬六千四百四縣八平郭倚舊名咸平大定七年更

銅山遼同州鎮安軍本漢襄平縣遼太祖時以東平寨置因名東平軍曰鎮東章宗大定二十九年以與

東平重故更南有柴河北有清河西有遼河新興遼銀州富國軍本渤海富

名來屬有范河北慶雲遼棋州祐聖軍本以所俘檀州密雲民建檀州密雲後更名有

遼清安遼肅州信陵軍熙宗榮安遼東有歸仁州遼舊隸通

本渤海強師縣遼更王山章宗承安三年以烏速集平

名金因之北有細河郭林河之間相去六百餘里

之地置貞祐二年四月

陞為節鎮軍曰鎮安

韓州下刺史遼置東平軍本渤海鄭誦府戶一萬五千

四百一十二營

舊有

縣二

臨津

倚末詳何年置

柳河

本渤海縣地遼

以河為名有狗河柳河

東京路領節鎮一

刺郡四

縣十七

鎮五

皇統四年二月立東

京新宮寢殿曰保寧宴殿曰嘉惠前後正門曰天華曰乾貞七月建宗廟有孝寧宮七年建御容殿

遼陽府中東京留守司本渤海遼陽故城遼完葺之郡

名東平天顯三年陞為南京府曰遼陽十三年更為東

京太宗天會十年改南京路平軍帥司為東南路都統

司之時嘗治於此以鎮高麗

後置兵馬都部署司天德二年改為本路都總管府

後更置留守司產白兔師姑布鼠毫白鼠皮人參白附子

戶四萬六百四

縣四

鎮一

遼陽

倚東梁河國名太子河鶴野

鎮一

長宜曷蘇館在

其地宜豐遼舊衍州安廣軍皇統三年廢爲縣有東梁河石城興定三年九月以縣之靈巖寺爲巖

州名其倚郭縣曰東安置行省

澄州南海軍刺史下本遼海軍天德三年改州名戶一

萬一千九百三十五縣二鎮一臨漠鎮一新

析木遼銅州廣利軍附郭析木縣也皇統三年廢州來屬有沙河

瀋州昭德軍刺史中本遼定理府地遼太宗時置軍曰

興遠後爲昭德軍置節度明昌四年改爲刺史與通貴

德澄三州皆隸東京戶三萬六千八百九十二縣五

樂郊遼太祖倖三河之民建三河縣於此後改更今名有潭河章義遼舊廣州皇統三年降爲

縣來屬有遼河東遼濱遼舊遼州東平軍遼太宗改爲始平軍皇統三年廢爲縣有遼

河 埧樓

遼舊興州興中軍常安縣遼嘗置定理府刺史於此本埧樓故地大定二十九年章宗更名有

范河清河國雙城遼雙州保安軍也皇統三年降為縣章宗時廢名叩隈必刺

貴德州刺史下遼貴德州寧遠軍國初廢軍降為刺郡

戶二萬八百九十六

縣二

貴德

倚有范河

奉集

遼集州懷遠軍

奉集縣本渤海舊縣有渾河

蓋州奉國軍節度使下本高麗蓋葛牟城遼辰州明昌

四年罷曷蘇館建辰州遼海軍節度使六年以與陳同

音更取蓋葛牟為名戶一萬八千四百五十六 縣四

鎮二

湯池

遼鐵州建武軍湯池縣

鎮一

神鄉

建安

遼縣鎮一

大寧秀

巖

本大寧鎮明昌四年陞泰和四年復陞置

熊岳

遼盧州玄德軍熊岳縣遼屬南

女直湯河司

復州下刺史遼懷遠軍節度明昌四年降為刺史

舊貢鹿筋

大定八年罷之戶一萬三千九百五十縣二鎮一永康

倚舊名永寧成大遼蘇州安復軍本高麗地興宗置皇統三年降為縣來屬貞祐四年五月

陞為金州興定二年陞為防禦鎮一勝

來遠州下舊來遠城本遼熟女直地大定二十二年升

為軍後升為州

婆速府路國初置統軍司天德二年置總管府貞元元

年與曷懶路總管並為尹兼本路兵馬都總管

此路皆猛安戶

北京路府四領節鎮七刺郡三縣四十二鎮七



寨一

大定府中北京留守司遼中京統和二十五年建為中

京國初因稱之海陵貞元元年更為北京置留守司都

轉運司警巡院產麗鼠螺盃茱萸梳玳瑁鞍酥乳餅五味子户六萬四千四

十七縣十一鎮二大定倚遼縣舊名有土鎮一

恩化長興河有塗富庶河有心鎮一安松山遼松山州勝安軍松山縣開泰

中置舊置刺史太祖天輔七年置觀察使皇統三年廢

州來屬承安三年隸高州泰和四年復有陰涼河落馬

河神山遼澤州神山縣遼太祖俘蔚州之名置章宗承安二年嘗置惠州陞孩兒館為灤陽縣以隸之

泰和四年罷惠和皇統三年以遼金源唐青山縣遼開泰二年置以地

州及灤陽縣惠和惠州惠和縣置金源泰二年置以地

有金甸為名和衆遼榆州和衆縣皇武平武平遼築城杏堦

有絡駝山統三年罷州來屬武平初名新州統

和間更爲武安州皇統三年降爲武安縣來屬大靜封  
定七年更名承安三年隸高州泰和四年復來屬  
承安二年以胡設務置隸全州三韓遼伐高麗遷馬韓  
三年隸高州泰和四年來屬  
爲縣置高州太祖天輔七年以高州置節度使皇統三  
年廢爲縣承安三年復陞爲高州置刺史爲全州支郡  
分武平松山靜封三縣隸焉  
泰和四年廢有落馬河塗河

利州下刺史遼統和十六年置戶二萬一千二百九十

六縣二鎮一寨一阜俗遼統和四年龍山故

潭州廣潤軍縣故名熙宗皇  
統三年廢州來屬有榆河寨一州鎮一河

義州下崇義軍節度使遼宜州天德三年更州名戶三

萬二百三十三縣三鎮一弘政有凌開義遼海  
北州

廣化軍縣故名熙宗  
皇統三年廢州來屬鎮一慶同昌遼成州興府軍縣故  
名國初隸川州大定

六年罷川州隸懿州承安二年後隸川州泰和四年來屬

錦州下臨海軍節度使舊隸興中府後來屬戶三萬九

千一百二十三縣三永樂本慕容皝之西樂縣地安昌神

水遼開泰二年置皇統三年廢爲鎮大定二十九年復升爲縣有土河

瑞州下歸德軍節度使本來州天德三年更爲宗州泰

和六年以避睿宗諱謂本唐瑞州地故更今名戶一萬

九千九百五十三縣三鎮一瑞安舊名來賓唐來遠縣也明

昌六年更爲宗安泰和六年復更今名海陽遼瀾州海陽軍故縣鎮一遷

海濱本慕容皝集寧縣地遼隸州海平軍故縣皇統三年廢州來屬

廣寧府散下鎮寧軍節度使本遼顯州奉先軍漢望平

縣地天輔七年升爲府因軍名置節度天會八年改軍

名鎮寧天德二年隸咸平後廢軍隸東京泰和元年七

月來屬戶四萬三千一百六十一縣三舊有奉玄縣天會八年改

爲鐘秀縣鎮二歡城廣寧舊名山東縣大定二十九年更名有遼世宗顯陵鎮

寨二閭城兔兒窩望平大定二十九年鎮二有梁漁務山西店閭陽

遼乾州廣德軍以奉乾陵故名奉陵縣天會鎮二閭陽八年廢州更名來屬有凌河有遼景宗乾陵鎮二衛家

寨二大斧山北川

懿州下寧昌軍節度使遼嘗更軍名慶懿又爲廣順復

更今名金因之先隸咸平府泰和末來屬戶四萬二千

三百五十一縣二大定六年罷川州以宜民同昌二縣來屬永安二年後以二縣隸川

州泰和四年罷川州以順安 靈山本渤海靈

興中府散下本唐營州城遼太祖遷漢民以實之曰霸

州彰武軍重熙十一年升為府更今名金因之戶四萬

九百二十七 縣四 鎮三 興中本唐柳城地 鎮一

城永德遼安德州化平軍安德縣世宗 鎮一阜安 興城遼

州保肅軍縣故名皇統三 宜民遼川州長寧軍會同中

年廢州隸錦州有桃花島 嘗名白川州天祿五年

去白字國初因之與同昌縣皆隸焉大定六年降為宜

民縣隸懿州承安二年復置川州改徽川寨為徽川縣

為懿州支郡泰和四年 鎮一咸康遼縣也

罷州及徽川縣來屬 鎮一國初廢為鎮

建州下保靖軍刺史遼初名軍曰武寧後更金因之戶

一萬一千四百三十九

縣一

永霸

本唐昌黎縣地

全州下盤安軍節度使承安二年置改胡設務爲靖封  
縣黑河鋪爲盧川縣撥北京三韓縣烈虎等五猛安以  
隸焉貞祐二年四月嘗僑置于薊州戶九千三百一十

九縣一

安豐

承安元年十月改豐州鋪爲安豐縣隸臨潢府二年置全州磐安軍節度

使治有黃河黑河

臨潢府下總管府地名西樓遼爲上京國初因稱之天  
眷元年改爲北京天德二年改北京爲臨潢府路以北  
京路都轉運司爲臨潢府路轉運司天德三年罷貞元  
元年以大定府爲北京後但置北京臨潢路提刑司大  
定後罷路併入大定府路貞祐二年四月嘗僑置于平

州有天平山好水川行宮地也大定二十五年命名有

曰落李魯有合裏追戶六萬七千九百七縣五堡

古思阿不漠合沙地

三十七大定間二臨潢倚有金長泰有立列只山其北

國言曰喝必刺盧川承安二年以黑河鋪升隸寧塞泰

有撒里葛觀地

元年五月長寧遼永州永昌軍縣故名太祖天輔七

置有滑河

慶州下玄寧軍刺史境內有祖州天會八年改為奉州

皇統三年廢境內有遼懷州遼太祖祖陵在焉舊置奉

陵軍天會八年更為奉德軍皇統三年廢遼太宗穆宗

懷陵北山有遼聖宗興宗道宗慶陵城中有遼行宮比

他州為富庶遼時刺此郡者非耶律蕭氏不與遼國寶

貨多聚藏於此北至界二十里南至盧川二百二十西至桓州九百東至臨潢一百六十戶二千七縣一有舊

孝安縣天會八年改為  
慶民縣皇統三年廢朔平有權場務

興州寧朔軍節度使本遼北安州興化軍興化縣承安五年升為興州置節度軍名寧朔改利民寨為利民縣撥梅堅河徒門必罕寧江速馬刺三猛安隸焉貞祐二

年四月僑置千密雲縣戶一萬五千九百七十縣二

又有利民縣承安五年以  
利民寨升泰和四年廢興化倚遼舊縣皇統三年降  
興化軍置隸大定府承

安五年建興州於縣  
為倚郭舊有白檀鎮宜興本興化縣白檀鎮泰和三年陞為縣來屬

泰州昌德軍節度使遼時本契丹二十部族牧地海陵



正隆間置德昌軍隸上京大定二十五年罷之承安三年復置于長春縣以舊泰州爲金安縣隸焉北至邊四百里南至懿州八百里東至肇州三百五十里戶三千五百四

縣一

舊有金安縣承安三年置尋廢

堡十九

長春

遼長春州詔陽

軍天德二年降爲縣隸肇州承安三年來屬有捷魯古河鴨子河有別里不泉

邊堡大定二十一年三月世宗以東北路招討司十九堡在泰州之境及臨潢路舊設二十四堡障參差不齊遣大理司直蒲察張家奴等往視其處置於是東北自達里帶石堡子至鶴五河地分臨潢路自鶴五河堡子至撒里乃皆取直列置堡戍

評事移刺敏言東北及臨潢所置土堦樵絕當令  
所徙之民姑逐水草以居分遣丁壯營畢開壕塹  
以備邊上令無水草地官爲建屋及臨潢路諸堡  
皆以放良人戍守省議臨潢路二十四堡堡置戶  
三十共爲七百二十若營建畢官給一歲之食上  
以年飢權寢姑令開壕爲備四月遣吏部郎中奚  
胡失海經畫壕塹旋爲沙雪堙塞不足爲禦乃言  
可築二百五十堡堡日用工三百計一月可畢糧  
亦足備可爲邊防久計泰州九堡臨潢五堡之地  
斥鹵官可爲屋外自撒里乃以西十九堡舊戍軍

舍少可令大鹽濼官木三萬餘與直東堡近嶺求木每家官爲構室一椽以處之

西京路府二 領節鎮七 刺郡八 縣三十九 鎮九

大定五年建宮室名其殿曰保安其門南曰奉天東曰宣仁西曰阜成天會三年建太祖原廟

大同府中西京留守司晉雲州大同軍節度遼重熙十

三年升爲西京府名大同金因之皇統元年以燕京路

隸尚書省西京及山後諸部族隸元帥府舊置兵馬都

部署司天德二年改置本路都總管府後更置留守司

置轉運司及中都西京路提刑司

貢瑪瑙環子瑪瑙數珠產白廳安息香松

明松脂黃連百草煎芥子煎鹽撈鹽石綠綠礬鐵甘草枸杞張玉砂地華戶九萬八千四百

四十四縣七鎮三大同倚遼析雲中置金因之有牛皮關武周山方山

奚望山盛樂城御河闡雞臺平城外郭鹽場如鎮一義

雲中晉舊縣名宣寧遼德州昭聖軍宣德縣大定八年更鎮

一城龍懷安晉故縣名天城遼析雲中置白登本名長清大定七年更有白登臺採

山掠懷仁遼析雲中置貞祐二年五月升為雲州有黃鎮

一安七

豐州下天德軍節度使遼嘗更軍名應天尋復金因之

皇統九年升為天德總管府置西北路招討司以天德

尹兼領之大定元年降為天德軍節度使兼豐州管內

觀察使以元管部族直撒軍馬公事並隸西南路招討

司木產不灰戶二萬二千六百八十三 縣一鎮一

富民晉舊名有振黑山神鎮一武

弘州下刺史遼名軍曰博寧本襄陰村統和中建國初

置保寧軍後廢軍產瑤戶二萬二千二 縣二 鎮二

襄陰倚本名永寧順聖本安塞軍故地遼鎮二貞陽門

二年七月陞為縣大羅

淨州下刺史大定十八年以天山縣升為豐州支郡刺

史兼權機察北至界八十里戶五千九百三十八 縣

一天山舊為推場大定十

桓州下威遠軍節度使軍兵隸西北路招討司明昌七

年改置刺史北至舊界一里半戶五百七十八縣一

曷里相連東川更名金蓮川世宗曰蓮者連也取其金枝玉葉相連之義景明宮避暑宮也在涼陞有殿楊武殿

皆大定二十年命名有查勒清塞倚明昌四年以沙有白傑國言曰勺赤勒清塞罷錄事司置

撫州下鎮寧軍節度使遼秦國大長公主建爲州章宗

明昌三年復置刺史爲桓州支郡治柔遠明昌四年置

司候司承安二年陞爲節鎮軍名鎮寧撥西北路招討

司所管梅堅必刺王敦必刺拿憐朮花速宋葛斜忒渾

四猛安以隸之戶一萬一千三百八十縣四有旺國

八年五月更名靜寧山有麻達葛山大柔遠倚大定十

定二九年更名胡土白山有水井柔遠年置于燕  
子城隸宣德州明昌三年來屬有燕子城國言曰吉甫  
魯灣城北羊城國言曰火奄權場查刺嶺河山大像

行宮有樞光殿有雙山七里何石井蟻蟻山昂吉溝集  
又名鶯鶯鶯鶯得勝口舊名北望陡大定二十年更

寧

明昌三年以春市場置  
北至界二百七十里

豐利

明昌四年以泥威寧安  
明昌置有蓋里伯

二年以撫州  
新城鎮置

德興府晉新州遼奉聖州武定軍節度國初因之大安

元年陞爲府名德興戶八萬八百六十八

縣六

有天塢

泰和二年更名拂雲鎮一  
平惡崖更名壘翠巖鎮一

德興

倚舊名未興縣大安  
元年更名有涿鹿定

方水鎮有  
鷄鳴山

媽川

遼太祖嘗名可汗州縣舊曰懷戎更名  
遼可汗州清平軍本晉媽州會同元年

懷來明昌六年更今名西北有  
合河龜頭館石橋明昌四年建

縉山  
遼儒州縉陽軍縣故名皇統元年廢

州來屬崇慶元  
年陞爲鎮州

鎮一安望雲

本望雲川地遼帝嘗居號  
曰御莊後更爲縣金因之

磬山

晉故縣國初隸弘龍門  
州明昌三年來屬

晉縣國初隸弘州後來屬  
明昌三年割隸宣德州有

慶寧宮行宮也秦和五  
年以提舉兼龍門令

昌州天輔七年降爲建昌縣隸桓州明昌七年以狗獠

復置隸撫州後來屬戶一千二百四十一縣一寶

山有狗獠國言曰押恩尼要其北五百餘里有日月  
山山大定二十年更曰抹白山國言涅里塞一山

宣德州下刺史遼改晉武州爲歸化州雄武軍大定七

年更爲宣化州八年復更爲宣德戶三萬二千一百四

十七縣二宣德舊文德縣大定  
二十九年更名宣平承安二年以  
大新鎮置以

北邊用兵嘗  
駐此地也

朔州中順義軍節度使貞祐三年七月嘗割朔州廣武

縣隸代州產鐵荆三  
稜枸杞戶四萬四千八百九十縣二



鄱陽

晉故縣有桑乾河大和馬邑  
晉故縣貞祐二年五月陸為固州有洪濤

山漫水又曰桑乾河

武州邊下刺史大定前仍置宣威軍戶一萬三千八百

五十一

縣一

寧遠

晉故縣黃河

應州下彰國軍節度使戶三萬二千九百七十七 縣

三 金城

晉故縣有黃瓜堆復宿山桑乾河渾河崞川水黃花城

山陰

本名河陰大定七年

以與鄭州屬縣同故更焉貞祐二年五月陸為忠州有黃花嶺桑乾河

渾源

晉縣貞祐二年五月陸為

渾源州產鹽

蔚州下忠順軍節度使遼嘗更為武安軍尋復

貢地戶

五萬六千六百七十四

縣五

靈仙

北有桑乾河代王城薄家村

廣靈

亦作陵遼統和三年析靈仙置

靈丘

晉縣貞祐二年四月陞為定成州四年割為代州支郡

安

晉縣有桑乾河貞祐二年四月陞為定安州

飛狐

晉縣

雲內州下開遠軍節度使天會七年徙奚第一第三部

來成

產青鎮鐵

戶二萬四千八百六十八

縣二鎮一

柔服

夾山在城鎮北六十里

鎮一

寧仁舊縣也大定後廢為鎮

雲川

本曷董館後陞為裕民縣

皇統元年復廢為曷董館大定二十九年復陞更為今名

寧邊州下刺史國初置鎮西軍貞祐三年隸嵐州四年

二月陞為防禦戶六千七十二

縣一

寧邊

正隆三年置

東勝州下邊刺史國初置武興軍有古東勝城戶三千

五百三十一

縣一

鎮一

東勝

鎮一

化寧

部族節度使

烏昆神魯部族節度使軍兵事屬西北路招討司明  
昌三年罷節度使以招討司兼領

烏古里部族節度使

石壘部族節度使

助魯部族節度使

孛特本部族節度使

計魯部族節度使

唐古部族承安三年改爲部羅火扎石合節度使

迪烈又作迷刺女古部族承安三年改爲土魯渾扎石合

節度使

詳穩九處

咩紇詳穩貞祐四年六月改爲葛也阿隣猛安

木典紇詳穩貞祐四年改爲抗葛阿隣謀克

骨典紇詳穩貞祐四年改爲撒合輦必刺謀克

唐古紇詳穩

耶刺都紇詳穩

移典紇詳穩

蘇木典紇詳穩近北京

胡都紇詳穩

霞馬乂詳穩

群牧十二處

幹獨梳群牧大定四年改爲幹觀只群牧

蒲速幹群牧

本幹觀只地大定七年分置

耶魯梳群牧

訛里都群牧

乂幹群牧

歐里本群牧

烏展群牧

特滿群牧

駝駝都群牧

訛魯都群牧

忒恩群牧

承安四年  
初置

蒲鮮群牧

承安四年  
初置

中都路遼會同元年爲南京開泰元年號燕京海陵貞元

元年定都以燕乃列國之名不當爲京師號遂改爲中都

府一領節鎮三刺史郡九

縣四十九

上天德三年始圖  
燕城官室制

度三月命張浩等增廣燕城城門十三東曰施仁曰宣曜  
曰陽春南曰景風曰豐宜曰端禮西曰麗澤曰顯華曰彰

義北曰會城曰通玄曰崇智曰光泰浩等取真定府澤園  
材木營建宮室及涼位十六應天門十一楹左右有樓

門內有左右翔龍門及日華月華門前殿曰大安左右掖  
門內殿東廊曰敷德門大安殿之東北爲東宮正北列三

門中曰英為壽康宮母后所居也西曰會通門北曰承明門又北曰昭慶門東曰集禧門尚書省在其外其東曰西門左右嘉會門也門有二樓大安殿後門之後也其北曰宣明門則常朝後殿門也北曰仁政門傍為朶殿朶殿上為兩高樓曰東西各二百餘間內有仁政殿常朝之所也宮城之前廊東西各二百餘間馳道兩傍植柳廊脊覆碧瓦宮闕殿門則純用碧瓦應天門舊名通天門大定五年更七年改福壽殿曰壽安宮明昌五年復以隆慶宮為東宮慈訓殿為承華殿承華殿者皇太子所居之東宮也泰和殿泰和二年更名慶寧殿又有崇慶殿魚藻池瑤池殿位貞元二年建有神龍殿又有觀會亭又有安仁殿隆德殿殿臨芳殿皇統元年有元和殿有常武殿有廣武殿為擊毬習射之所京城北離宮有太寧宮大定十九年建後更為壽寧又更為壽安明昌二年更為萬寧宮瓊林苑有橫翠殿寧德宮西園有瑤光臺又有瓊華島又有瑤光樓皇統元年有宣和門正隆三年有宣華門又有撒合門

大興府上晉幽州遼會同元年陞為南京府曰幽都仍

號盧龍軍開泰元年更為永安析津府天會七年析河

北為東西路時屬河北東路貞元元年更今名戶二十

二萬五千五百九十二大定四年十月命都門外夾道重行植柳各百里產金銀銅鐵

藥產滑石半夏蒼朮代赭石縣十鎮一大興倚遠

白龍骨薄荷五味子白牽牛津貞元二年更鎮一陽宛平倚本晉幽都縣遼開泰安

今名有建春宮次晉舊遼陰遼太平中以末清晉舊寶坻本新倉鎮大

以香河縣近民附之永安三年陞置盈州香河遼以武

為大興府支郡以香河武清隸焉尋廢州置孫村昌平有居庸關國武清晉良鄉有料石

通州下刺史天德三年陞潞縣置以三河隸焉興定二

年五月陞為防禦戶三萬五千九十九縣二潞晉



名有三河晉縣

薊州中刺史遼置上武軍戶六萬九千一十五產縣五

舊又有永濟縣大定二十七年以永濟務鎮二漁陽

倚遵化遼景州鎮一石豐潤泰和玉田有行宮偏林大

御鎮一城平峪大定二十七年以

易州下刺史遼置高陽軍戶四萬一千五百七十七

縣二易有易涑水有涑

涿州中刺史遼為永泰軍羅戶一十一萬四千九百一

十二縣五鎮一范陽倚晉縣有湖梁鎮一政固

安縣新城定興大定六年以范陽縣黃村置割奉先

大定二十九年置萬寧縣以奉山陵明  
昌二年更今名有房山龍泉河盤寧官

順州下刺史遼置歸化軍戶三萬三千四百三十三

縣二

溫陽

舊名懷柔明昌六年更  
有螺山淑水兔耳山

密雲

遼檀州武威  
軍古北口國

言曰留  
幹嶺

平州中興平軍節度使遼為遼興軍天輔七年以燕西

地與宋遂以平州為南京以錢帛司為三司天會四年

復為平州嘗置軍帥司天會十年徙軍帥司治遼陽府

後置轉運司貞元元年以轉運司併隸中都路貞祐二

年四月置東面經略司八月罷

貢櫻桃綾

戶四萬一千七百

四十八

縣五

鎮一

盧龍

倚

撫寧

本新安鎮大定  
二十九年置

海山本漢海陽故城遼以所俘望都縣遷安本漢令支縣故城遼

以所俘安喜縣民置因名鎮一建昌黎遼營州縣海軍

安喜大定七年更今名置廣寧縣皇統二年降州來屬大定二十九年以與廣寧府重故更今名

灤州中刺史本黃落故城遼為永安軍天輔七年因置

節度使戶六萬九千八百六縣四松亭關國鎮二

義豐倚石城有長春行宮長春淀舊名鎮一子馬城

樂亭鎮一新橋

雄州中天會七年置永安軍節度使賜名易陽郡隸河

北東路貞元二年來屬戶二萬四百一十一縣三

歸信倚有易水容城泰和八年割隸安州貞祐二年隸巨馬河安肅州有南易水大泥淀渾泥村

保定

宋保定軍後廢為縣

霸州下刺史遼益津郡隸河北東路貞元二年來屬戶

四萬一千二百七十六

縣四

益津

倚大定二十九年初置倚郭

文安

大城

信安

國初因宋為信安軍大定七年降為信安縣隸霸州元光元年四月

陞為鎮安府所以重高陽公張甫也

保州中順天軍節度使宋舊軍事天會七年置順天軍

節度使隸河北東路貞祐二年來屬海陵賜名清苑郡

戶九萬三千二十一

縣二

清苑

倚宋名保塞大定十六年更有抱陽

山沉水蒲城

大定二十八年以清苑縣塔院村置

安州下刺史宋順安軍治高陽天會七年陞為安州隸

河北東路後置高陽軍大定二十八年徙治葛城因陞

葛城爲縣作倚郭泰和四年改混泥城爲渥城縣來屬

八年移州治於渥城以葛城爲屬縣戶三萬五百三十

二縣三渥城倚泰和四年置葛城大定二十八年置高陽泰和八年正月

改隸莫州四月復有徐河百濟河

遂州下刺史宋廣信軍天會七年改爲遂州隸河北東

路貞元二年來隸號龍山郡泰和四年廢爲遂城縣隸

保州貞祐二年復置州戶一萬一千一百七十四縣

一遂城倚有光春官行官有遂城山易水漕水鮑河

安肅州下刺史宋安肅軍天會七年陞爲徐州軍如舊

隸河北東路貞元二年來屬天德三年改爲安肅州軍  
名徐郡軍大定後降爲刺郡廢軍戶一萬二千九百八  
十縣一 安肅按金初州郡志雄霸保安遼安肅六  
州皆隸廣寧府太宗紀載天會七年  
分河北爲東西路則隸河北東路豈以平州爲  
南京之後以六州隸廣寧也不然則郡志誤





金史二十五

高司上柱國錄軍國事兼中書右丞相監修國史領經筵事都總裁臣脫脫赤

修

地理中

南京路  
山東東路

河北東路  
山東西路

河北西路

南京路國初曰汴京貞元元年更號南京府三領節鎮三

防禦八刺史郡八縣一百五

都城門十四曰開陽曰宣仁  
曰安利曰平化曰通遠曰宜

照曰利川曰崇德曰迎秋曰廣澤曰順義曰迎朔曰順常

曰廣智宮城門南外門曰南薰南薰北新城門曰豐宜橋

曰龍津橋北門曰丹鳳其門三丹鳳北曰舟橋橋少北曰

文武樓導御路而北橫街也東曰太廟西曰郊社正北曰

承天門其門五雙闕前引東曰登聞檢院西曰登聞鼓院

檢院東曰左掖門南曰待漏院鼓院西曰右掖門門南

曰都堂直承天門北曰大慶門門東曰日精門又東曰左

昇平門大慶門西曰月華門又西曰右昇平門正殿曰大

地理志



慶殿前有龍墀又南有丹墀又南曰沙墀東廡曰嘉福樓  
 西廡曰嘉瑞樓大慶後曰德儀殿殿東曰左昇龍門西曰  
 右昇龍門正門曰隆德內有隆德殿殿南有蕭牆有丹墀隆德  
 殿左曰東上閣門右曰西上閣門皆南向鼓樓在東鐘樓  
 在西隆德之次曰仁安門仁安殿東則內侍局又東曰近  
 侍局又東則嚴祗門宮中則稱曰撤合門少南曰東樓則  
 授除樓也西曰西樓仁安之次曰純和殿正寢也純和  
 曰雪香亭亭北則后妃位也有樓樓西曰瓊香亭亭西曰  
 涼位有樓樓北少西曰玉清殿純和之次曰福寧殿殿後  
 曰苑門內曰仁智殿有二太湖石左曰敷錫神蓮萬歲峯  
 右曰玉京獨秀太平巖殿曰山莊其西南曰翠微閣苑門  
 東曰僊韶院院北曰翠峯峯之洞曰大滌湧翠東連長生  
 殿又東曰湧金殿又東曰蓬萊殿殿長生西曰浮玉殿又西  
 曰瀛洲殿殿長生殿南曰閱武殿又南曰內藏庫嚴抵門東  
 曰尚食局又東曰宣徽院院北曰御藥院又北右藏庫東  
 則左藏庫宣徽院東曰點檢司司北曰秘書監又北曰學  
 士院又北曰諫院又北曰武器署點檢司南曰儀鸞局又  
 南曰尚輦局宣徽院南曰拱衛司又南曰尚衣局其南為  
 繁禧門又南曰安泰門門與左昇龍門相直東則壽聖宮  
 兩宮太后位也本明俊殿殿試進士之宮北曰徽音院又

北曰燕壽殿殿垣後少西曰振肅衛司東曰中衛尉司儀  
鷹局東曰小東華門更漏在焉中衛尉司東曰祗肅門少  
東南曰將軍司徽音壽聖東曰大后苑苑殿曰慶春與燕  
壽殿並小東華門與正東華門對東華門內正北尚廐局其  
西北曰臨武殿左掖門北尚食局南曰宮苑司其西北尚  
醞局湯藥局侍儀司少西曰符寶局器物局又西則撒合  
門也嘉瑞樓西曰三廟正殿曰德昌東曰文昭西曰光興  
德昌後宣宗廟也宮西門曰西華與東華相直北門曰安  
貞

開封府上留守司留守帶本府尹兼本路兵馬都總管

天德二年罷行臺尚書省置轉運司提刑司天德二年

置統軍司有藥市四權場產蜜蠟香茶心紅朱紅地龍黃栢天德四年戶二十

三萬五千八百九十泰和末戶百七十四萬六千二百

一十縣十五鎮十五開封東附郭有古通津臨蔡開汴河鎮一嘉祥符

西附郭有岳臺浚水沙臺崇臺夷鎮三角陳橋八陽武沙

門山蔡河金水河廣濟河寒泉河鎮三

池黑陽山黃河通許咸平府重更有牛首城表亭與泰

汴河白溝河鎮一橋中牟河有汴河鄭鎮四勝白沙鎮萬

康河有魯溝蔡鎮一橋中牟河有汴河鄭鎮四勝白沙鎮萬

杞宋雍丘縣杞國也鎮一城鄆陵水有洧水城鎮一橋

尉氏有惠民河鎮二宋樓扶溝有祁耶山亭鎮二建雄

舊有赤陳留狼丘汴河延津貞祐三年七月升為洧川

倉鎮貞祐二年置惠民倉興定二年長垣封丘

四月以尉氏縣之宋樓鎮陞

睢州下刺史宋拱州保慶軍國初猶稱拱州天德三年

更戶四萬六千三百六十縣三鎮一襄邑汴古襄牛地有

水承鎮一重考城宋隸南京正隆前隸曹州後來屬葵

匡城鎮一重考城丘有黃河黃陵岡元光二年改為通

安拓城古株林首止地在焉

歸德府散中宣武軍故宋州宋南京應天府河南郡歸

德軍國初置宣武軍戶七萬六千三百八十九縣六

鎮四

睢陽

宋名宋城承安五年更名有鷹鷺池汴水睢水渙水

鎮一

葛

寧陵

大定二十二年徙於汴河堤南古城有汴水睢水渙水

下邑

有汴水黃水

鎮一

會

虞城

有孟穀熟有汴水諸蘗穀熟有穀水

鎮二

營城洛場又舊高辛鎮

楚丘

國初隸曹州海陵後來屬

興定元年以限河不便改隸單州有景山京岡

單州中刺史宋碭郡貞祐四年二月升為防禦興定五

年二月置招撫司以安集河北遺黎戶六萬五千五百

四十五

縣四

單父

有樓霞山泡溝

成武

有堂溝

魚臺

有泗水消溝五

大溝礪山興定元年以限河不便改隸歸德府有芒礪山古汴渠午溝

壽州下刺史宋隸壽春府貞元元年來屬泰和六年六

月升爲防禦戶八千六百七十七縣二鎮一下

蔡有硤石山蒙城宋隸亳州國初來屬有狼山渦水鎮一蒙館

陝州下防禦宋陝郡保平軍節度皇統二年降爲防禦

貞祐二年七月陞爲節鎮戶四萬一千一十縣四

鎮七陝倚有號山峴頭山三靖鎮一石壕靈寶有夸父山黃河

稠桑澤古函谷鎮二關東湖城有荆山鑄鼎原鎮二三門閿鄉

太華山黃河玉關鎮二張店故鎮舊又

水潼關太谷關有曹張鎮恐誤鄧州武勝軍節度使宋南陽郡嘗置擁場戶二萬四千

九百八十九 縣三 鎮六 穰城倚有五龍山覆釜山湍水朝水鎮

四順陽新野穰東板橋南陽有豫山百重山豐山梅溪水白水清冷水鎮一張村內鄉高

前山縣耳山黃水鎮一峽口

唐州中刺史宋淮安郡嘗置權場戶一萬一千三十一

縣四 鎮四 泌陽倚有泌水醴水鎮一胡比陽有大明湖中陽山比

水鎮一羊棚湖陽貞祐元年廢鎮一羅桐栢官興定十年始置正

廢有桐栢山淮水柘河鎮一許封大定二十八年命規措界壕於唐鄧間

裕州本方城縣泰和八年正月陞置以方城縣為倚郭

割汝州葉縣許州舞陽隸焉戶八千三百 縣三 鎮

四 方城倚有方山城鎮一青葉本隸汝州泰和八年

水河澧鎮一墳舞陽山本隸許州泰和八年來屬有伏牛鎮

二  
北吳  
輝城

河南府散中宋西京河南府雒陽郡初置德昌軍興定

元年八月升爲中京府曰金昌戶五萬五千六百三十

五  
縣九  
正隆郡志有壽  
安縣紀錄皆無  
鎮四  
洛陽  
倚有北邙山正  
隆六年更名太

平山稱舊名者以違制論有伊洛  
渥澗金水銅馳街金粟山金谷  
鎮一門龍沔池有山廣陽

山黃河  
澠河  
登封有太室山箕山陽城山少室山宣孟津  
宗置御寨其上舊有潁陽鎮後廢  
祐

三年七月升爲淘鎮  
州十二月復爲縣鎮  
長泉舊有河  
芝田  
宋名永安貞元元年更有

輟軒山  
新安  
有開門山長石山  
偃師有北邙山  
景山黃河

洛鎮一嶽氏宜陽有錦屏山鹿蹄山慈鶴山鞏有侯山九  
水凡山洛水昌水少水鞏有侯山九

鎮一洛

嵩州中刺史舊名順州天德三年更戶二萬六千六百

四十九縣四鎮四伊陽宋隸河南府有三塗山陸渾山鼓鍾山伊水清

陽鎮一鳴皋舊有伊闕鎮後廢永寧宋隸河南府正隆六年以前寄治於府後即鎮為縣有三

青山熊耳山嶢嶢山鎮一府店福昌宋隸河南府有女几山金門山鎮二

天柱山黃河杜陽水韓城長水宋隸河南府有壇山松陽山洛水松陽水

汝州上刺史宋臨汝郡陸海軍節度國初為刺郡貞祐

三年八月升為防禦戶三萬五千二百五十四縣四

鎮二梁有霍確山崆峒山紫邏山汝水廣潤河正隆六年勅環汝州百五十里內州縣商賈

赴溫湯置市邾城宋隸許州有鎮一道魯山有堯山漁寶豐



有秦鎮一汝南

許州下昌武軍節度使宋穎昌府許昌郡忠武軍戶四

萬五千五百八十七縣五鎮七長社倚有潁水鎮

二許由鄆城有長沙河鎮二駝口長葛有小臨潁

鎮二合流襄城本隸汝州秦鎮一穎橋

鈞州中刺史舊陽翟縣偽齊升為潁順軍大定二十二

年升為州仍名潁順二十四年更今名戶一萬八千五

百一十縣二鎮一陽翟倚有具茨山三新鄭宋

鄭州有秦鎮一郭

亳州上防禦使宋譙郡集慶軍隸揚州貞祐三年升為

節鎮軍名集慶戶六萬五百三十五 縣六 鎮五舊有

福寧馬 鎮二譙 鎮一雙鹿邑 鎮一有 鎮一城衛真 有

水沙 鎮一陽谷 城父有 水泥 鄧有 水汴 鎮一鄧永 城

興定五年十二月升為永州以下 鎮一保

陳州下防禦使宋淮寧府淮陽郡鎮安軍戶二萬六千

一百四十五 縣五 鎮二 宛丘有 項城有

水百 南頓 鎮一寇珍 商水本 西華有

蔡河 鎮一長

蔡州中防禦使宋汝南郡淮康軍泰和八年升為節度

軍曰鎮南嘗置推場戶三萬六千九十三 縣六 鎮

二

汝陽

有漵水

鎮一

保城

遂平

有吳房山吳城山龍泉水

上蔡

西平

有九頭山滾水鄧艾陂

確山

有確山沒水漵水

鎮一

毛宗

平輿

息州本新息縣泰和八年陞為息州以新息為倚郭割

真陽襄信新蔡隸焉為蔡州支郡戶九千六百八十五

縣四

鎮一

新息

倚

鎮一

王務

真陽

本隸蔡州泰和八年來屬有淮

水汝水石塘陂

襄信

本隸蔡州泰和八年來屬有汝水葛陂

新蔡

本隸蔡州泰和八年來屬有汝

水

鄭州中防禦宋榮陽郡奉寧軍節度戶四萬五千六百

五十七

縣七

鎮三

管城

倚貞祐四年更名故市有圃田澤

榮陽

有瀉水

密

有大陂山

鎮二

大陂水

河陰

原武

鎮一

陳汜水有虎榮澤有廣武洞舊有許橋

潁州下防禦宋順昌府汝陰郡嘗置推場正隆四年罷

推場戶一萬六千七百一十四縣四鎮十一舊有萬善

鎮後汝陰倚有潁水淮水潁上元光二年十一月改鎮十

永寧漕口王家市潁頭永清泰和有潁水沈丘有武鎮一

永安

宿州中防禦宋符離郡保靜軍節度隸揚州國初隸山

東西路大定六年來屬貞祐三年陞為節鎮軍曰保靜

戶五萬五千五十八縣四鎮八舊有荆山鎮符離倚有諸陽

山汴河水鎮三曲溝符離黃團臨渙有嵇山汴鎮三柳子郭靈

壁宋元祐元年置鎮一

西新有漢水渦鎮一安

泗州中防禦使宋臨淮郡正隆四年正月罷鳳翔府唐

鄧穎蔡鞏洮等州并膠西縣諸摧場但置摧場於泗州

先隸山東西路大定六年來屬戶八千九十二縣四

鎮六淮平

舊盱眙縣明昌六年有朱山汴河鎮以宋有盱眙軍故更置淮水廣濟渠鎮

二千仙通海臨淮

鎮四安河吳城青陽霍家灣

睢寧興定二年四月以宿遷縣之古

城置又有淮濱興定二年四月以桃園置元光二年四月廢

邊戍

皇統元年十月都元帥宗弼與宋約以淮水中流為

界西自鄧州南四十里西南四十里為界泰和八年

設沿淮巡檢使及朐山縣完瀆村初立巡路置巡檢  
河北東路天會七年析河北為東西路各置本路兵馬都  
總管府一 節鎮二 防禦一 刺郡五 縣三十  
鎮三十五

河間府中總管府瀛海軍宋河間郡瀛海軍天會七年  
置總管府正隆間升為次府置瀛州瀛海軍節度使兼  
總管置轉運司後復置總管府河北東西大名等路提

刑司

產無縫綿滄鹽蘭席馬蘭花香附子錢鰕蟹乾魚

戶三萬一千六百九十

一縣二

鎮三

河間

倚有津沱河君子館鎮三

策城永寧北林肅寧

蠡州下刺史宋永寧軍國初因之天會七年陞為寧州

博野郡軍天德三年更為蠡州戶二萬九千七百九十

七縣一

鎮一

博野

倚有沙河

鎮一

新橋

莫州下刺史宋文安郡軍防禦治任丘貞祐二年五月

降為鄭亭縣戶二萬二千九百三十三縣一鎮一

任丘

鎮一

長豐

獻州下刺史本樂壽縣天會七年升為壽州天德三年

更令名戶五萬六百三十二

縣二

鎮十

樂壽

倚有

徒駭河房淵漢獻王陵

交河

大定七年以石家園置

鎮十

景城南大樹劉解槐家叅軍貫河北

望交灘策河沙渦

冀州上宋信都郡天會七年仍舊置安武軍節度戶三

千六百七十 縣五 鎮三 信都倚有胡盧 鎮一來

後廢南宮有降水 鎮三唐陽後增寧 衡水有長蘆 武邑有漳

蘆河長 鎮一觀津 棗強 鎮一廣川

深州上刺史宋饒陽郡防禦國初爲刺郡戶五萬六千

三百四十 縣五 鎮一 靜安倚有衡漳 鎮一下東

鹿有衡漳 武強置河倉有衡 饒陽有漳 安平有沙水

清州中宋乾寧郡軍國初因置軍天會七年以守邊置

防禦戶四萬七千八百七十五 縣三 鎮一 會川

本名乾寧貞元元 鎮一范興濟 靖海明昌

年更名置河倉 以清州窩



滄州上橫海軍節度宋景城郡貞元二年來屬戶一十

萬四千七百七十四 縣五 鎮十一 清池置河倉有浮陽

水徒長蘆新饒安舊饒安乾 鎮五符郭疇舊有郭橋後廢 無棣有老烏山 鎮一

分鹽山有鹽山浮水 鎮四海豐海潤後增 南皮置河倉有大

河潔 鎮一馬 樂陵有禹津河篤馬河鈎盤河舊有

景州上刺史宋永靜軍同下州治東光國初陞為景州

貞元二年來屬大安間更為觀州避章廟諱也戶六萬

五千八百二十八 縣六 鎮四 東光倚置河倉有永濟渠漳河

鎮一建 阜城有衛水漳水河劉豫 將陵置河倉有永 吳

橋有求 滄宋隸冀州有 寧津 鎮三西保安廣

河北西路天會七年析為西路府三 鎮二 防禦 刺

郡五 縣六十一

真定府上總管府成德軍宗常山郡鎮州成德軍節度

正隆間依舊次府置本路兵馬都總管府轉運司

產莞器銅

鐵有丹粉場烏梨藥則有苗香零陵香御米穀天南星皂角木瓜芎井泉石

戶一十三萬七

千一百三十七

縣九

鎮三

真定

倚有茂山滋水漳沱水

藁

城有滋水 平山

藥城

有滋水

獲鹿

興定三年三月升為鎮寧州權河北

西路以經略使武仙 行唐

有玉女

鎮二

嘉祐北鎮舊有行臺新年二鎮

後阜平

明昌四年

靈壽

鎮一

慈元氏

有封龍山槐河

威州下刺史天會七年以井陘縣升置陘山郡軍後為

刺郡戶八千三百一十 縣一 井陘

沃州上刺史宗徽宗升為慶源府趙郡慶源軍治平棘

天會七年改為趙州天德三年更為沃州蓋取水沃火

之義軍曰趙郡軍後廢軍戶三萬八千一百八十五

縣七 鎮一 平棘倚有洩水臨城有敦輿山高邑有贊皇山

水濟贊皇寧晉有洩水鎮一奉城栢鄉 隆平

邢州上安國軍節度宋信德府鉅鹿郡安國軍節度天

會七年降為邢州仍置安國軍節度產玄精石戶八萬二百

九十二 縣八 鎮四 邢臺有石門山百巖唐山有堯

水山內丘有干言山平鄉 鎮一道任有漆水鎮

水山內丘有干言山平鄉 鎮一道任有漆水鎮

一新沙河有湯水鎮一村南和有任水鉅鹿有大陸澤

水鎮一團城

洺州上防禦廣平郡治永年天會七年以守邊置防禦

使戶七萬三千七十縣九鎮四永年有榆溪山

鎮一西臨洺廣平本魏縣大定七年更宗城新安成安肥鄉

鎮一新雞澤有洺水漳水沙河曲周鎮二平恩白家灘洺水

彰德府散下宋相州鄴郡彰德軍節度治安陽天會七

年仍置彰德軍節度明昌三年陞為府以軍為名戶七

萬七千二百七十六縣五鎮五安陽倚有韓陵山龍山洹

水防鎮三天禧永林慮舊林慮鎮貞祐三年十月升為和豐樂林慮州置元帥府興定三年九月

升為節鎮以安陽縣水冶村為湯陰有年山姜水蕩鎮

輔臨漳漳水鎮一鎮輔巖本水冶村興

磁州中刺史宋滏陽郡國初置滏陽郡軍戶六萬三千

四百一十七縣三鎮八滏陽有滏山磁山鎮四

臺城觀城昭德後武安有錫山鎮一固邯鄲有邯山靈

首鎮三大趙北陽邑城士民

中山府宋府天會七年降為定州博陵郡定武軍節度

使後復為府戶八萬三千四百九十縣七鎮二

安喜倚有滏水盧新樂有泝水無極永平貞祐二

升為慶都有堯山都曲陽有常山鎮一龍唐有孤山

完州山唐水

水鎮一城

祁州中刺史宋蒲陰郡國初置蒲陰郡軍戶二萬三千

三百八十二縣三蒲陰鼓城深澤

濟州中防禦宋大邳郡通利軍又改平川軍天會七年

以邊境置防禦使皇統八年嫌與宗雋音同更爲通州

天德三年復戶二萬九千三百一十九縣二鎮二

黎陽有大伾山衛有蘇門山鹿臺糟鎮二衛橋

衛州下河平軍節度宋汲郡天會七年因宋置防禦使

明昌三年升爲河平軍節度治汲縣以滑州爲支郡大

定二十六年八月以避河患徙於共城二十八年復舊

治貞祐二年七月城宜村三年五月徙治于宜村新城

以胙城為倚郭正大八年以石甃其城戶九萬一百一

十二縣四鎮二汲有蒼山新鄉蘇門本共城

十九年改為河平避顯宗諱也明昌三年改為今名貞祐三年九月升為輝州興定四年置山陽縣隸焉有白

鹿山天門山淇山百門波鎮一生獲嘉鎮一大胙城本隸南京海陵時割隸滑

州泰和七年復隸南京八年以限河來屬貞祐五年五月為衛州倚郭增置主簿興定四年以修武縣重泉村

置縣來隸

滑州下刺史宋靈河郡武成軍本南京屬郡大定六年

割隸大名府戶二萬二千五百七十縣二鎮二

白馬鎮二衛南武城內黃本隸大名府大定六年來屬

山東東路為京東東路治益都府二節鎮二防禦二

刺郡七縣五十三鎮八十三

益都府上總管府鎮海軍國初仍舊置軍置南青州節

度使後升為總管府置轉運司大定八年置山東東西

路統軍司產石器玉石沙魚皮天南星半夏澤瀉紫草戶一十一萬八千七

百一十八縣七鎮七益都臨朐有胸山凡山洱水般水

穆陵貞祐四年四月升壽光有甘水鎮一廣陵有博興

有濟水鎮二博昌臨淄有南郊山牛山天齊淵康浪水樂安鎮四新

時水  
高家港清河王家

濰州中刺史戶三萬九百八十九縣三鎮一北



海倚有浮煙山既源山漑水汶水鎮一底固昌邑山有霍侯水昌樂有方山聚角山丹水

水胸

濱州中刺史宋軍事戶一十一萬八千五百八十九

縣四 鎮十 渤海有黃河 鎮五豐國寧海濱利津明昌

三年十二月以永和鎮升置蒲臺 鎮二安定合波霑化本名招安明昌六年更鎮

三永豐永阜永科

沂州上防禦宋琅邪郡戶二萬四千三十五 縣二

鎮三 臨沂劇鎮三長任向城利城費

密州宋為密州高密郡安化軍節度戶一萬一千八十

二 縣四 鎮七 諸城劇有琅邪山濰水荆水盧水鎮三普慶信陽草橋

安丘有安丘山劉鎮一文高密有礪阜山膠西鎮三

張倉梁鄉陳村

海州中刺史戶三萬六百九十一縣五鎮四胸

山贛榆本懷仁大鎮二東海連水本連水軍

降為縣鎮二太平金城

莒州中刺史本城陽軍大定二十二年升為城陽州二

十四年更令名戶四萬三千二百四十縣三鎮三

莒日照鎮一洛沂水鎮一沂安舊有扶遷

棣州上防禦宋安樂郡戶八萬二千三百三縣三

鎮九獸次鎮五清河歸化達陽信有黃河鎮二欽

西商河有黃河馬鎮二歸仁

濟南府散上宋齊州濟南郡初置興德軍節度使後置

尹置山東東西路提刑司戶三十萬八千四百六十九

縣七 鎮二十九 歷城 鎮六盤水中宮老僧口

遙臨邑 鎮三新鎮安齊河 鎮三晏城劉宏章丘有

白山東陵山百 鎮四普濟延安禹城有黃河濟河 鎮三

新水楊緒水 鎮四臨濟明水 鎮六赤莊莒鎮李家莊

濟陽 鎮四四河曲堤舊

淄州中刺史宋淄川郡軍戶一十二萬八千六百二十

二 縣四 鎮六 淄川倚有礮山夾谷 鎮三金嶺張

店長山有長白鄒平有系河鎮三淄鄉介東孫家嶺高

苑有濟河

萊州上定海軍節度宋東萊郡戶八萬六千六百七十

五縣五鎮一掖倚有三山夜萊陽有高麗山鎮

一衡村舊有海倉即墨有牢山不其山天室膠水招

遠

登州中刺史宋東牟郡戶五萬五千九百一十三縣

四鎮二蓬萊有巨風福山鎮一川孫大黃有萊山

鎮一馬棲霞

寧海州上刺史本寧海軍大定二十二年升為州戶六

萬一千九百三十三 縣二 鎮二 牟平有東牟山

陽鎮一泉湯文登劇有文登山鎮一水溫

山東西路府一 領節鎮二 防禦二 刺郡五

東平府上天平軍節度宋東平郡舊鄆州後以府尹兼

總管置轉運司產天麻全蝎阿膠薄戶一十一萬八千

四十六 縣六 鎮十九 須城有梁山東阿有吾

城山黃鎮五景德木仁關陽穀有黃河鎮二樂安汶上

本名中都貞元元年更為汶陽泰鎮一柴壽張年大定七

和八年更令名有汶水大野陂 鎮一城壽張年河水

壞城遷於竹口鎮 鎮一口平陰有鬱蔥山鎮九但歡安

翔鷹固留滑口廣里 石橫澄空傳家岸

濟州中刺史宋濟陽郡舊治鉅野天德二年徙治任城

縣分鉅野之民隸嘉祥鄆城金鄉三縣戶四萬四百八

十四縣四鎮二任城倚有承山鎮一橋金鄉有

溝鎮一昌嘉祥舊有合來山鄆城大定六年五月徙治

馬頰河

徐州下武寧軍節度使宋彭城郡貞祐三年九月改隸

河南路戶四萬四千六百八十九縣三鎮五彭

城倚有九里山赭土鎮三呂梁利國下唐又有厭堦蕭

泗水猴水沛澤有綏輿山丁鎮二白土安民舊有豐有泡水

邳州中刺史宋淮陽軍貞祐三年九月改隸河南路戶

二萬七千二百三十二 縣三 下邳有嶧陽山磬石

水沐水 蘭陵本承縣明昌六年更名貞祐四年三月徙治土婁村 宿遷元光二年四月廢有

泗水 汜水

滕州上刺史本宋滕陽軍大定二十二年升為滕陽州

二十四年更今名貞祐三年九月為兗州支郡戶四萬

九千九 縣三 鎮一 滕舊名滕陽大定二十四年更有桃山抱犢山瀋水

沛有微山泗水 鎮一陶鄒山 宋隸泰寧軍有嶧山見山泗水瀋水

博州上防禦宋博平郡戶八萬八千四十六 縣五

鎮十一 聊城倚有荏山黃 鎮二王館 堂邑 鎮二河

候博平有河 鎮一博平 鎮二廣平 高唐有黃河 鎮

四國河齊城  
靈城夾溝

兗州中泰定軍節度使宋襲慶府魯郡舊名泰寧軍大

定十九年更戶五萬九十九 縣四 嶽陽本瑕丘 曲阜

宋名仙源有防山泗水有陪尾山尼丘 寧陽舊名龔縣

曲阜山泗洙沂水 九年以避  
顯宗諱改

泰安州上刺史本泰安軍大定二十二年升戶三萬一

千四百三十五 縣三 鎮二 奉符倚有泰山社首

亭亭山有鎮二太平靜封萊蕪有肅然山安期山新泰

德州上防禦宋平原郡軍戶一萬五千五十三 縣三

鎮七 安德有鬲鎮四磁博鬻化平原有金鎮一水



德平 鎮二 懷仁孔家鎮

曹州中刺史宋興仁府濟陰郡彰信軍本隸南京泰和八年來屬大定八年城為河所沒遷州治于古乘氏縣

戶一萬二千六百七十七 縣三 鎮一 濟陰 倚有曹南

山定濮岡左山祝丘 鎮一 濮水 定陶 本宋廣濟軍熙寧間廢為定陶縣城中有

梁王臺有髻 東明 初隸南京後避河患徙河北寃句故地後以故縣為蘭陽儀封有舊東明

城

東明縣志



志第七

金史二十六

開府儀同三司柱國錄軍國重事前中書省丞相穆國史領經筵事都總裁目

勅修

地理下

大名府路  
河東南路

河東北路  
京北府路

鳳翔路  
慶原路

廊延路  
臨洮路

大名府路宋北京魏郡府一領刺郡三縣二十鎮二十二

貞祐二年十月置行尚書省

大名府上天雄軍舊為散府先置統軍司天德二年罷

以其所轄民戶分隸旁近總管府正隆二年陞為總管

府附近十二猛安皆隸焉兼漕河事

產鐵穀絹梨肉櫻桃煎木耳硝戶

三十萬八千五百一十一縣十鎮十三舊有柳林二鎮元城

有恆山漕運鎮二安定大名倚鎮一魏縣冠氏有奔山

鎮四博寧桑橋南樂鎮一南樂館陶有漕運鎮一館

陶夏津有屯氏河鎮一孫生朝城鎮一韓張清平有新

渠金堤鎮一清平莘鎮一馬橋

恩州中刺史宋清河郡軍事治清河今治歷亭戶九萬

九千一百一十九縣四鎮六歷亭倚有永濟渠置河倉鎮四漳

新安樂舊武城有永濟渠鎮一武城清河有永濟渠臨清有

安樂王杲倉鎮一曹仁

濮州下刺史宋濮陽郡戶五萬二千九百四十八縣二

鎮三

鄆城

倚有堽丘陶丘金堤

鎮二

臨濮雷澤皆舊縣貞元二年爲鎮

范

鎮

一定

開州中刺史宋開德府澶淵郡鎮寧軍節度降爲澶州

皇統四年復更今名戶三萬三千八百三十六縣四鎮

一 濮陽

倚有衛陽山鮒鰯山黃河淇河瓢子口

清豐

有廣陽山黃河觀城泉

源鎮一

武長坦本隸南京泰和八年以服河不便來屬

河東北路宋河東路天會六年析河爲南北路各置兵馬

都總管府一領節鎮三刺郡九縣三十九鎮四十堡十

寨八

太原府上武勇軍宋太原郡河東軍節度國初依舊爲

次府復名并州太原郡河東軍總管府置轉運司有造墨場

煉銀洞瑪瑙石藥產松脂白膠香五靈脂大黃白玉石 户一十六萬五千八百六

十二縣十一鎮八 陽曲倚有罕山鎮五陽曲百井赤塘關天門關

陵井 太谷有大谷山蔣水平晉貞祐四年七月廢鎮二寧晉

晉祠有清源水汾水徐溝本清源縣之徐溝鎮榆次有麓臺水

祈有幘山鎮一團柏文水有隱泉山交城有少陽山狐孟

興定中升為州聽絳州元帥府節制置壽陽興定二年九月嘗割

刺史尋復有白馬山泉仇山潯沱水

隸平定州有方山洞過水

晉州興定四年正月以壽陽縣西張寨置

忻州下刺史舊定襄郡軍户三萬二千三百四十一縣

二鎮四

秀容

有程候山雲母山忻水漳沱水

鎮四

忻口雲內徒合石嶺定襄

平定州中刺史本宋平定軍大定二年升爲州興定二

年爲防禦十一月復降爲刺郡戶一萬八千二百九十

六縣二鎮三

平定

倚有浮山浮灤水

鎮二

承天東百井

樂平

興定四年

正月升爲臯州有樂平山清漳水

鎮一

淨陽

汾州上宋西河郡軍事天會六年置汾陽軍節度使後

又置河東南北路提刑司戶八萬七千一百二十七縣

五鎮二

西河

有謁泉山比干山文水汾水

鎮一

郭柵

孝義

有勝介水

休有介山鎮一

洪山

平遙

有鹿臺山汾水

靈石

貞祐三年割隸霍州四年五月

復來屬有靜

巖山汾水

石州上舊昌化軍刺史興定五年復隸晉陽從郭文振

之請也戶三萬六千五百二十八縣六鎮四離石有倚

胡公山鎮一石窟方山貞祐四年徙治于積孟門舊名胡

明昌六年更宋隸晉寧軍有黃河寧鄉水鎮二吳保溫泉貞祐四年五月改

溫泉宋隸晉寧軍有鎮一克明寧鄉舊名平夷明

葭州下刺史本晉寧軍貞元元年隸汾州大定二十二

年升為晉寧州二十四年更今名在黃河西興定二年

五月以河東殘破改隸延安府戶八千八百六十四寨

八堡九神泉寨永祚堡烏龍寨康定堡寧河寨寧河堡

清川堡太和寨神木寨通津堡彌川寨護川堡強川堡

堡寨已上皆在黃河西臨西夏界

代州中宋鴈門郡防禦天會六年置震武軍節度使貞

祐二年四月僑置西面經略司八月罷戶五萬七千六

百九十縣五鎮十三 鴈門倚有夏屋山 鎮三鴈門西徑

胡亭有亭山石鼓山 鎮一樓板 五臺貞祐四年三月升為臺州有五臺山

虎應鎮二興善 廣武貞祐三年九月 鎮七貞祐三年九月

茹越大石義興麻谷瓶形梅迴寶興

隰州下本宋舊火山軍大定二十二年升為火山州後

更今名興定二年九月改隸嵐州四年以殘破徙治于

黃河灘許父寨戶七千五百九十二縣一鎮一 河曲

貞元元年置 鎮一鄴鎮 有火山黃河



寧化州下刺史本寧化軍大定二十二年陞為州戶六

千百縣一鎮一寧化鎮一窟谷

嵐州下宋舊樓煩郡軍事天會六年置鎮西節度使戶

一萬七千五百五十七縣三鎮四宜芳鎮一飛鳶合

河鎮三合河津乳浪鹽院渡樓煩

岢嵐州下刺史本宋岢嵐軍大定二十二年為州貞祐

三年九月升為防禦四年正月升為節鎮五月復為防

禦戶五千八百五十一縣一堡一嵐谷有嵐谷山雪山岢嵐山

堡一寒光

保德州下刺史本宋保德軍大定二十二年升為州元

光元年六月升爲防禦戶三千一百九十一縣一保

德

大定十一年置有大堡津汝谷津

管州下刺史本宋憲州靜樂郡天德三年更興定三年  
升爲防禦戶五千八百八十一縣一靜樂

河東南路府二節鎮三防禦一刺郡六縣六十八鎮二十  
九關六

平陽府上宋平陽郡建雄軍節度本晉州初爲次府置  
建雄軍節度使天會六年升總管府置轉運司興定二

年十二月以殘破降爲散府

有書籍產解鹽隰州綠卷子布龍門椒紫團參甘草

木  
舊戶一十三萬六千九百三十六縣十鎮一

臨汾

天會

六年定臨汾為次赤餘並次畿置丞簿襄陵倚有浮山

鎮一故關洪洞有霍水趙城有姑射山霍邑貞祐三年

霍州以趙城汾西靈石隸馬興定元年七月升為節鎮軍曰鎮定有霍山汾水羸水汾西有汾

汾岳陽有鳥嶺山浮山舊名神山大定七年更為浮和

川冀氏

隰州上刺史宋大寧郡團練舊大寧郡軍刺史天會六

年改為南隰州以與北京隰州重也天德三年去南字

戶二萬五千四百四十五縣六關四隰川倚有石

樓仵城興定五年正月陞蒲州興定五年正月升為蒲

山橫大寧有孔山黃關一馬門永和有樓山黃關一永

木嶺大寧有孔山黃關一馬門永和有樓山黃關一永

關石樓有石樓山關二永寧上平關

吉州下宋置團練舊名慈州天德三年改為取州置文

成郡軍明昌元年更名吉戶一萬三千三百二十四縣

二吉鄉有壺口山孟門鄉寧

河中府散上宋河東郡舊置護國軍節度使天會六年

降為蒲州置防禦使天德元年升為河中府仍舊護國

軍節度使大定五年置陝西元帥府戶十萬六千五百

三十九縣七鎮四河東倚有中條山五老鎮二永樂

滎河貞祐三年升為滎州以河津水鎮一北郎虞鄉有雷

中條山萬泉鎮一胡壁臨晉有三疑河津猗氏有

水

絳州上宋置絳郡防禦天會六年置絳陽軍節度使興

定二年十二月升為晉安府總管河東南路兵馬三年

三月置河東南路轉運司戶一十三萬一千五百一十

縣七鎮五關一 正平倚劇有定境山鎮一澤掌曲沃

劇有絳山絳鎮二柴村稷山有稷山翼城興定四年七

水汾水澮水以垣曲絳縣隸焉元光二年升為節鎮太平有汾垣曲

軍曰翼安有澮高山清野山烏嶺山鎮一阜落關一行臺絳有太陰山鎮一

山黃河清水繪交平水興定四年七月徙置汾河之

西從平陽公胡天作之請也解州上刺史宋慶成軍防禦國初置解梁郡軍後廢為

刺郡貞祐三年復升為節鎮軍名寶昌興定四年徙治

平陸縣戶七萬一千二百三十二縣六鎮四解倚道

池鹽平陸有吳山鎮一張店芮城宋隸陝州有中夏有

咸山中條鎮一曹張安邑有中條山稷聞喜有九龍山

鎮二東鎮劉莊

澤州上刺史宋高平郡天會六年以與北京澤州同加

南字天德三年復去南字貞祐四年隸潞州昭義軍後

又改隸孟州元光二年升為節鎮軍曰忠昌戶五萬九

千四百一十六縣六鎮二晉城倚有太行山丹關鎮二

周村巴公舊端氏有石門山陵川有太行山陽城元光

十一月升為勸州  
有王屋山 瀟澤 高平 有頭顱山 沁水 有鹿臺山 沁

潞州上宋隆德府上黨郡昭德軍節度使天會六年節

度使兼潞南遼沁觀察處置使戶七萬九千二百三十

二縣八鎮四 上黨 倚鎮一 八義 壺關 有抱犢山 紫屯

留 有盟秀 鎮一 寺底 長子 有羊頭山 發 鎮一 橫水 潞城

有三垂山 伏牛 襄垣 有鹿臺山 鎮一 禿亭 黎城 有白巖

關涉 貞祐三年七月升為崇州以黎城縣隸焉四年八

口 涉 月以殘破復為縣興定五年九月復升為州有崇

遼州中刺史宋本樂平郡刺史天會六年以與東京遼

州同加南字天德三年復去南字戶一萬五千八百五

十縣四鎮一關一

遼山

倚有箕山青谷水

鎮一

平城舊縣也貞元間廢為

鎮屬遼山縣及廢舊芹泉鎮

關一黃澤

榆社

有武鄉水石勒漚麻池

和順有九原山

儀城

舊為平城縣貞元二年廢入遼山為鎮貞祐四年復升為縣更今名

沁州中錦山郡宋威勝軍天會六年升為州元光二年

升為節鎮軍曰義勝戶一萬八千五十九縣四鎮二

銅鞮

倚有銅鞮山石梯山洹水交水

武鄉

有胡甲山武鄉水

鎮一

南關

沁源

元光

二年十一月升為綿上

有羊頭穀州有霍山沁水

懷州上宋河內郡防禦天會六年以與臨潢府懷州同

加南字仍舊置沁南軍節度使天德三年去南字皇統

三年閏四月置黃沁河堤都大管勾司大定五年置行



元帥府興定五年置招撫司戶八萬六千七百五十六

縣四鎮六 河內倚有太行陘太行鎮四武德栢鄉修

武有濁鎮一 承恩 山陽興定四年以修武縣重武陟有

行山天門山鎮一 宋郭

孟州上宋濟源郡節度天會六年降河陽府為孟州置

防禦守盟津宣宗朝置經略司戶四萬一千六百四十

九縣四鎮二 河陽倚有嶺山黃鎮二穀羅王屋有王

天壇山析濟源有太行山孔山溫有黃河

京兆府路宋為永興軍路皇統二年省併陝西六路為四

曰京兆曰慶原曰熙秦曰鄜延府一領節鎮一防禦一

刺郡四縣三十六鎮三十七

京兆府上宋京兆郡永興軍節度使皇統二年置總管

府天德二年置陝西路統軍司陝西東路轉運司產白芷麻

黃白蒺藜戶九萬八千一百七十七縣十二鎮十舊又

苗香細辛橋臨涇二長安倚有終南山龍首鎮一子咸寧倚本萬

鎮後廢名泰和四鎮二鳴憤興平有渭水涇陽臨潼有驪山

年廢尋復乾祐興平有渭水涇陽臨潼有驪山

鎮一零口藍田有藍田山雲陽鎮一孟店高陵有涇渭

鎮二毗沙終南宋清鎮一甘河櫟陽有渭水沮鎮一栗

鄠有終南山牛首鎮一秦渡咸陽河清泉陂

商州下刺史宋上洛郡軍事貞祐四年升為防禦尋隸

陝州興定二年正月復來屬元光二年五月改隸河南

路戶三千九百九十九縣二鎮二舊又有西市黃川上

洛有楚山熊耳鎮二商洛豐陽皆舊為縣洛南有冢嶺

號州下刺史宋號郡軍事貞祐二年割為陝州支郡以

備潼關戶一萬二十二縣三鎮五號略有鹿蹄山鎮三

靖遠王盧氏有朱陽山熊耳鎮二社管灤川舊為縣海

朱陽海陵時嘗廢後復置有地肺山

乾州中刺史宋嘗改為醴州天德三年復戶二萬六千

八百五十六縣四鎮三奉天有梁山莫谷鎮一薛祿醴

泉有九巒鎮一甘北武亭本武功大定二十九年以嫌

山浪水

顯宗諱更有敷物山武功山

渭鎮一長寧好時有梁山武亭河

同州中宋馮翊郡定國軍節度治馮翊後改安國軍節

度使舊貢園筋蘭耳羊戶三萬五千五百六十一縣六

鎮九馮翊倚有洛水鎮二沙苑朝邑有黃河鎮四朝邑新市延祥

洛白水有五龍山郃陽有非山鎮一夏陽澄城有梁水洛

水韓城貞祐三年升為鎮鎮二寺前良輔

耀州上刺史宋華原郡感德軍節度皇統二年降為軍

事後為刺史州戶五萬二百一十一縣四鎮二華原

有土門山同官有白馬山鎮一黃堡美原有頻三原有

門山中鎮一龍橋

華州中宋華陰郡鎮潼軍節度治鄭國初因之後置節度使皇統二年降爲防禦使貞祐三年八月升爲節鎮軍曰金安以商州爲支郡戶五萬三千八百縣五鎮六

鄭

倚有少華山聖水鎮一

赤水

華陰

有太華山松果山黃河渭水潼關

鎮二

關西敷水

下邽

有渭水太白渠

鎮二

素化新市

蒲城

有金粟山洛水

鎮一

荆姚

渭南

有靈臺山渭水

鳳翔路宋秦鳳路治秦州府二防禦二刺郡二縣三十三城一堡四寨十四鎮十五

鳳翔府中宋扶風郡鳳翔軍節度皇統二年升爲府軍名天興大定十九年更軍名爲鳳翔大定二十七年升

總管府

升產苧獨活燈草無心草

戶六萬二千三百三

縣九鎮四

舊有橫水驛店雀模

鳳翔

倚有杜陽山吳岳

大定十寶雞

有陳倉山渭水

鎮一

武城

號

有楚山

陽平

有太白

盤屋

南至巡馬道二十里貞祐四年升

水浴

扶風

國初作扶輿

鎮一

岐山

有岐山終南山渭水姜水汧水

鎮一

馬蹟

普潤

有杜水漆

麟遊

有五將山

德順州上刺史宋德順軍國初隸熙秦路皇統二年升

為州大定二十七年來屬貞祐四年四月升為防禦十

月升為節鎮軍曰隴安戶三萬五千四百四十九縣六

寨四堡一

舊有上接鎮通安寨王家

隴平

倚

水洛

本中

堡

城堡一中安威戎本威戎堡城隆德本隆德寨通邊本通邊寨三靜

舊為縣得勝寧安治平本治平寨懷遠

平涼府散中宋渭州隴西郡平涼軍節度舊為軍後置

陝西西路轉運司陝西東西路提刑司大定二十六年

來屬戶三萬一千三十三縣五鎮五寨一平涼倚有羊頭

山馬潘原有鳥鼠山銅城山崇信有閣川水鎮一西赤華亭有小隴山化

平本名安化大鎮四安化安國白寨一尾亭

鎮戎州下刺史本鎮戎軍大定二十二年為州二十七

年來屬戶一萬四百四十七縣二堡三寨八東山本東

寨三川本三堡三彭陽乾寨八天聖飛泉熙寧靈平

秦州下宋天水郡雄武軍節度後置秦鳳路國初置節

度皇統二年置防禦使隸熙秦路大定二十七年来屬

元光二年四月升為節鎮軍曰鎮遠後罷貞祐三年復

置戶四萬四百四十八縣八城一寨三鎮二舊有甘谷城甘泉城

結藏城定西寨西顧堡後廢成紀倚有龍泉治坊甘谷清水宋舊縣有

中隴山嶠雞川隴城有大隴山瓦亭山寨一隴城西寧貞祐四年十月

升為西寧州以甘谷雞川治平三縣隸焉秦安城一伏羌寨二三陽務鎮二

靜戎床穰

隴州下宋汧陽郡防禦海陵時隸熙秦路大定二十七

年來屬戶一萬六千四百四十二縣三鎮五汧陽倚



汧水隴鎮二新安化汧源有吳嶽山鎮三吳山定隴安和泰

八年以隴安寨升  
有秦嶺山渭水

廊延路領節鎮一刺郡四縣十六鎮五城二堡四寨十八

關二

延安府下宋延安郡彰武軍節度使皇統二年置彰武

軍總管府戶八萬八千九百九十四縣七寨四堡膚施

倚有五龍山伏龍山鎮一樂盤延川有濯巾河寨一永

洛水清水濯巾水延長有獨戰山臨真有庫甘泉有洛敷政有三塢門山

有重覆山黃堡二安定置第六寨四萬安興定二年廢

河渭牙川水招安永平  
有丹陽驛

丹州中刺史宋咸寧郡軍事國初因之戶一萬三千七

十八縣一鎮一關一宜川有雲巖山孟門山黃河庫利山鎮一雲巖

關一鳥仁

保安州下刺史宋保安軍大定二十二年升為州戶七

千三百四十縣一寨三鎮二堡一城一保安大定十

二年以保安軍置寨三德靖順鎮二靜邊堡一園林

城一金湯

綏德州下刺史唐綏州宋綏德軍大定二十二年升為

州戶一萬二千七百二十縣一寨十城一堡一關一

清澗本宋清澗城大寨十暖泉義合清邊臨夏白草米

克戎置城一嗣武堡一開光關一永寧

鄜州下宋洛交郡康定軍節度國初因之置保大軍節

度使戶六萬二千九百三十一縣四鎮一洛交倚有

山洛水鎮一三水直羅有水盤山廊城有揚洛川有洛

華池水園水

坊州中刺史宋中部郡軍事戶二萬七百四十六縣二

鎮一中部有沮河橋山石堂宜君有沮鎮一玉華

天會五年元帥府宗翰宗望奉詔伐宋若克宋則割

地以賜夏及宋既克乃分割楚夏疆封自麟府路洛

陽溝距黃河西岸西歷暖泉堡鄜延路米脂谷至累

勝寨環慶路威延寨踰九星原至委布谷口涇原路  
威川寨略古蕭關至北谷口秦鳳路通懷堡至古會  
州自此距黃河依見流分熙河路盡西遼以限楚夏  
之封或指定地名有懸邈者相地勢從便分畫

慶原路舊作陝西西路府一領節鎮二刺郡三縣十八鎮  
二十三城二堡四寨二十二邊將營八

慶陽府中宋安化郡慶陽軍節度本慶州軍事國初改  
安國軍後置定安軍節度使兼總管皇統二年置總管  
府戶四萬六千一百七十一縣三城二堡一寨三鎮七

安化

倚有馬嶺山延慶水

彭原

有彭池原睦陽川

鎮二

董志赤城

合水

有午山鎮

五金櫃懷安華城二白豹寨三安強華堡一荔原

環州上刺史宋軍事國初因之大定間升為刺郡戶九

千五百四縣一堡三寨六鎮三通遠倚有鹹河馬嶺坂塔子平樵場

堡三木心歸德興平舊有惠寨六定邊平遠永鄉鎮三

合道馬嶺木波

寧州中刺史宋彭原郡興寧軍節度國初因之皇統二

年降為軍仍加西字天德二年去西字為刺郡戶三萬

四千七百五十七縣四鎮五安定本名定安大定七年更倚有洛水九

陵鎮一交城鎮二棗社真寧有午山鎮二要關

襄樂有延川水

邠州中宋新平郡靖難軍節度使國初因之戶四萬七

千二百九十一縣五鎮三寨一新平倚有涇水潘水淳化有仲

山車宜祿有涇水鎮一亭口永壽宋隸醴州有清泉鎮一舊有

箱坂邵寨鎮後寨一常寧三水有石門山涇水羅川水鎮一清泉

原州上刺史宋平涼軍事大定二十七年為涇州支郡

後復軍事戶一萬七千八百縣二鎮三寨五臨涇倚

陽晉水彭陽有大湖河鎮三蕭鎮柳寨五綏寧平安清

朝那水涇州中彰化軍節度使本治涇州元光二年徙治長武

戶二萬六千二百九十縣四寨一鎮二涇川本保定

七年寨一官地長武良原靈臺鎮二邵寨

邊將

第二將營在荔原堡西白豹城南七十五里戶三千七百一十六 次西第四將營戶一千二百三十二 次西第三將營戶二千一百五 次西第八將營戶一千二百二十二 次西第七將營戶八百五十 次西第九將營戶七百二十七 次西第六將營戶九百八十九 次西第五將營戶三百六十四 皇統六年以德威城西安州定邊軍等沿邊地賜夏國從所請也正隆元年命與夏國邊界對立烽候以防侵軼

臨洮路皇統二年改熙州為臨洮府置熙秦路總管府大  
定二十七年更今名府一領節鎮一防禦一刺郡四縣  
一十三鎮六城六堡十二寨九關二

臨洮府中宋舊熙州臨洮郡鎮洮軍節度後更為德順

軍皇統二年置總管府產甘草菴戶一萬九千七百二

十一縣三鎮一城一堡四狄道有白石山洮水浩亶河鎮一慶

城一景骨當川堡一通谷康樂堡三渭源臨洮南

積石州下刺史本宋積石軍溪哥城大定二十二年為

州戶五千一百八十五縣一城三堡三懷羌西至生羌界八

十城三循化西至生羌界一百里大堡三通津臨

里通臨河夏界來羌臨夏邊堡三灘來同李



洮州下宋嘗置團練刺史舊軍事臨宋界至西生羌界

八十里戶一萬一千三百三十七堡二通祐臨宋界無民戶置軍守鐵

城臨宋界無民戶置軍守

蘭州上刺史宋金城郡軍事戶一萬一千三百六十縣

三鎮三城二堡三關一定遠兼第十將去質龜谷宋

寨阿干宋舊寨城二寧遠堡三東關質孤臨夏邊兼第

鎮三原川猪關一京玉

鞏州下節度宋通遠軍皇統二年升軍事爲通遠軍節

度使戶三萬六千三百一縣五寨四鎮一隴西宋舊

通渭貞祐四年六月升爲鎮一鹽川舊有赤通

西 安西

寨四

熟羊驢宋界里舊為鎮

來遠去宋界二十五永寧去宋界三十里南

川舊有平西寧遠二寨及南三分堡

會州上刺史宋前舊名汝遮户八千九百一十八縣一

舊有會川城

寨二關一

保川

寨二

平西關一通安

一作會寧

河州下防禦宋安鄉郡軍事至都四千七百一十里皇

統二年升軍事為防禦貞祐四年十月升為節鎮軍曰

平西户一萬四千九百四十二縣二城一寨三鎮一

枹罕

國初廢貞元二年復置

寧河

城一

安鄉關

寨三

南川關

定羌城

鎮一積慶

志第七